


2.1

SKIPURIT ALCOA FJARÐAÁLS 2022



**Einar Þorsteinsson, forstjóri
síðan 1. desember 2021.**

Einar kom til Alcoa frá Elkem þar sem hann gegndi margvíslegum störfum á Íslandi, í Frakklandi og Kína, þar á meðal yfirráðgjafi, forstjóri, yfirmaður ferlaþróunar og umdæmisstjóri í Asíu. Áður en Einar tók til starfa hjá Elkem vann hann hjá nokkrum fyrirtækjum í stjórnunarstöðum. Sérsvið hans eru viðskipta- og stefnumótun, markaðssetning, ferla- og rekstrarstýring og hagræðing í aðfangakeðju.

Einar er með M.Sc. í framleiðslutækni og framleiðslustjórnun frá Háskóla-setrinu í Álaborg, Danmörku.



**Júlíus Brynjarsson,
framkvæmdastjóri UHÖ og ABS**

Júlíus hóf störf hjá Alcoa Fjarðaáli árið 2006. Hann var fyrst verkfræðingur og svo yfirverkfræðingur hjá skautsmiðu og umhverfistækniteymi. Þá færði hann sig yfir í yfirverkfræðingsstöðu í kerskála. Árið 2015 varð hann framkvæmdastjóri skautsmiðu og árið 2018 tók hann að sér hlutverk framkvæmdastjóra steypuskála. Síðan í apríl 2022 hefur Júlíus verið framkvæmdastjóri ABS og hann tók auk þess við starfi framkvæmdastjóra umhverfis- heilsu- og öryggismála í febrúar 2023. Áður en Júlíus hóf störf hjá Alcoa starfaði hann sem sérfræðingur hjá Orkustofnun.

Júlíus er með B.Sc. gráðu í véla- og iðnaðarverkfræði og M.Sc. í framleiðslu- og vöruhönnun.



**Dagmar Ýr Stefánsdóttir, yfirmaður
samskipta- og samfélagsmála**

Dagmar Ýr hefur verið yfirmaður samskipta- og samfélagsmála frá árinu 2013 þegar hún hóf störf hjá Alcoa Fjarðaáli. Áður en Dagmar Ýr hóf störf hjá Alcoa var hún fréttamaður og síðan forstöðumaður markaðs- og kynningarmála Háskólans á Akureyri.

Dagmar er með BA gráðu í fjölmiðlafræði frá Háskólanum á Akureyri.



**Elín Hjálmsdóttir,
framkvæmdastjóri mannauðs**

Elín er framkvæmdastjóri mannauðsmála hjá Alcoa Fjarðaáli og hóf störf hjá fyrirtækinu í apríl 2023. Elín hefurstarfað sem framkvæmdastjóri mannauðs- og markaðsmála hjá Heilsuvernd frá árinu 2021. Þar á undan starfaði Elín í rúm 15 ár hjá Eimskip, síðast sem framkvæmdastjóri mannauðssviðs.

Elín er menntaður viðskiptafræðingur frá HR og er einnig með MBA gráðu frá sama skóla.



**Ormarr Örlygsson,
framkvæmdastjóri innkaupa**

Ormarr er framkvæmdastjóri innkaupa fyrir Alcoa á Íslandi. Hann gekk til liðs við Alcoa árið 2007 þá sem framkvæmdastjóri steypuskála. Árið 2010 söðlaði hann um og tók við sem útibússtjóri banka en kom aftur til starfa hjá Alcoa árið 2012 þá sem innkaupastjóri. Áður en Ormarr kom til starfa hjá Alcoa rak hann Skinnaiðnað ehf. á Norðurlandi.

Ormarr er með BS gráðu í efnafræði og MBA gráðu frá Háskólanum í Reykjavík.



**Gunnlaugur Aðalbarnarsson,
framkvæmdastjóri fjármála**

Gunnlaugur hóf störf hjá Fjarðaáli árið 2009 sem fjármálasérfræðingur. Árið 2015 hætti hann hjá Alcoa til að gegna stöðu fjármálastjóra hjá sveitarfélaginu Norðurþingi en sneri aftur til Alcoa Fjarðaáls árið 2017 til að taka við starfi framkvæmdastjóra fjármála. Áður en Gunnlaugur hóf störf hjá Alcoa var hann framkvæmdastjóri smásöluvyrirtækis og ráðgjafi hjá hugbúnaðarfyrirtæki.

Gunnlaugur er með Cand.Oecon gráðu í viðskiptafræði frá Háskóla Íslands og MBA gráðu frá Háskólanum í Reykjavík.



**Smári Kristinnsson,
framkvæmdastjóri framleiðslu**

Smári hóf störf hjá Alcoa árið 2006 þá sem ferliseigandi í kerskála. Árið 2008 tók hann við starfi framkvæmdastjóra steypuskála og gegndi því til 2014 þegar hann tók við sem framkvæmdastjóri kerskála. Árið 2018 var stýringu skautsmiðju bætt við starfið hans. Smári fluttist svo yfir í starf framkvæmdastjóra framleiðsluþróunar árið 2019 og 2021 gerðist hann framkvæmdastjóri mannauðsmála. Frá því fyrr á árinu 2023 gegnir Smári stöðu framkvæmdastjóra framleiðslu. Áður en Smári gekk til liðs við Alcoa starfaði hann sem hugbúnaðarráðgjafi.

Smári er með B.Sc. gráðu í stjórnunarfræðum.



Árni Páll Einarsson, framkvæmdastjóri viðhalds og áreiðanleika

Árni Páll byrjaði hjá Alcoa Fjarðaáli árið 2005 sem áreiðanleikaverkfræðingur og hefur gegnt mörgum hlutverkum á sviði viðhalds og áreiðanleika á Íslandi og í Maaden í Sádi-Arabíu. Árni var framkvæmdastjóri viðhalds- og áreiðanleika Alcoa Fjarðaáls frá 2015 til síðla árs 2017. Þá gekk hann til liðs við miðlægt teymi fræðsluseturs Alcoa og var síðan í eignastýringarteymi sem svæðisstjóri áreiðanleika (REX) en sneri aftur til Alcoa Fjarðaáls í apríl 2022.

Árni Páll er vélvirki að mennt og með meistaragráðu í vélaverkfræði frá háskólanum í Álaborg í Danmörku.



**Kristinn Már Ingimarsson,
framkvæmdastjóri tæknimála álframleiðslu**

Kristinn Már tók í árslok 2022 við stöðu framkvæmdastjóra tæknimála álframleiðslu. Hann hefur starfað hjá Alcoa Fjarðaáli síðan 2011. Fyrstu sex árin starfaði hann sem verkfræðingur í tækniteymi kerskála. Frá 2017 til 2019 var hann tæknistjóri skautsmiðju og umhverfis og frá 2019 tæknistjóri kerskála, skautsmiðju og kersmiðju.

Kristinn Már er með B.Sc. og M.Sc. gráðu í iðnaðarverkfræði frá Háskóla Íslands.



**Davíð Þór Sigurðarson,
framkvæmdastjóri álframleiðslu.**

Davíð tekur við starfi framkvæmdastjóra álframleiðslu Alcoa Fjarðaáls í maí 2023. Davíð starfaði sem svæðisstjóri Eimskips á Austurlandi frá 2019 en var fyrir það starfsmaður hjá Alcoa Fjarðaáli frá árinu 2006. Hann var í innkaupateymi Alcoa Fjarðaáls frá 2006 – 2008, síðan í fjármálateyminu til 2010 og eftir það verkefnastjóri útflutnings og gæða í steypuskála.

Davíð lauk viðskiptafræði frá Háskólanum á Bifröst árið 2006 og hlaut meistaragráðu í alþjóðaviðskiptum frá sama skóla árið 2014.



**Ásgrímur Sigurðsson,
framkvæmdastjóri málmvinnslu**

Ásgrímur starfaði sem framkvæmdastjóri viðhalds- og áreiðanleika frá september 2017 og tók við starfi framkvæmdastjóra málmvinnslu í apríl 2022. Hann hóf störf hjá Alcoa Fjarðaáli árið 2007 sem framleiðslusérfræðingur í steypuskála og starfaði sem ferliseigandi málmvinnslu frá 2012. Ásgrímur var hluti af miðlægu steypuskálateymi hjá móðurfyrirtækinu og var ráðgjafi hjá ýmsum starfsstöðvum á árunum 2015-2016. Áður en Ásgrímur hóf störf hjá Alcoa starfaði hann sem vélvirki og rennismiður.

Ásgrímur er með B.Sc. gráðu í véltækni frá Háskólanum í Reykjavík og diplómu í verkefnastjórnun.